

Setempat

Akses Percuma

Rebut peluang belajar bahasa Jerman melalui program perintis

120 pelajar belajar bahasa Jerman, Perancis di bawah Program Bahasa Ketiga Modular MOE yang bermula Julai

SINGAPURA
BeritaHarian



Aug 30, 2023 | 03:37 PM



PEMBELAJARAN FLEKSIBEL: Kelas bahasa Jerman di bawah Program Bahasa Ketiga Modular sedang dijalankan di Pusat Bahasa MOE Newton di Cairnhill Road. Program itu membolehkan pelajar belajar bahasa ketiga pada tahap kecekapan berbeza. - Foto-foto ZB

Namun, Faiqah berasa agak tersisih apabila dua rakannya itu mula berbual dalam bahasa Jerman.

Itu mencetuskan hasratnya untuk memahami bahasa dan budaya Jerman.

Oleh itu, apabila Sekolah Menengah Peicai – salah satu daripada 21 sekolah menengah yang mempunyai Program Bahasa Ketiga Modular perintis – membuka pendaftaran bagi program itu, Faiqah terus merebut peluang tersebut.

Dia salah seorang daripada 120 pelajar yang menyertai program itu, yang dimulakan pada Julai. Seramai 60 daripada mereka belajar bahasa Jerman dan 60 belajar bahasa Perancis, menurut Kementerian Pendidikan (MOE) dalam satu kenyataan.

Program itu dirintis di sekolah oleh MOE agar lebih ramai pelajar sekolah menengah seperti Faiqah boleh mempelajari bahasa baru dan mengenali budaya lain.

Sebelumnya, Program Bahasa Ketiga menawarkan bahasa ketiga sebagai sebahagian daripada kurikulum sekolah.

Namun, di bawah program baru yang dijalankan dengan kerjasama Alliance Française de Singapore dan Goethe-Institut Singapore itu, pelajar boleh meneruskan pembelajaran bahasa ketiga dan budaya dengan lebih fleksibel.

Mereka dapat mendalami penguasaan bahasa pada tahap kecekapan berbeza, membina kecekapan mereka, dan mengumpulkan modul untuk mencapai sijil yang diiktiraf pada peringkat antarabangsa.

Melalui modul lapan minggu yang dijalankan sepanjang tahun penggal persekolahan itu, pelajar boleh berhenti dan sambung pembelajaran mereka secara fleksibel agar lebih sesuai dengan jadual dan paras minat mereka.

Berdasarkan maklum balas pelajar yang positif dan menggalakkan mengenai program perintis itu, MOE akan melihat cara terbaik melanjutkan program tersebut kepada lebih ramai pelajar, sekolah, dan bahasa lain.

Podcast Baru